



ル 6
437
17

第十七册
卷之三十七
列女
卷之三十八
隱逸
卷之三十九
流寓
卷之四十
方伎
卷之四十一
仙釋



盛京通志卷之三十七

列女

關雎麟趾化行江漢况豐岐乎女貞婦烈竝沐旌揚
况忠孝乎我

國家褒崇節義闡發幽光冀寒苦之均沾永享祀於勿
替典至渥也

盛京王化所基婦人貞信其來久矣表宅里以樹風聲
建碑坊而標姓氏卽此見

帝王修齊之效并可與臣子忠孝之心

秦

門名
437
卷 17

范植妻孟姜

相傳為陝西同官人夫役長城姜遠送寒衣至則夫已死姜覓遺骸不得痛哭城下城為之崩按孟姜及志俱未載但寧遠境內既有孟姜墳及祠而苞母又死於遼西應補入至孟姜事之有無則無可攷矣

漢

趙苞母

姓氏不傳苞守遼西母為鮮卑所劫載以擊郡母遙謂苞曰威豪人各有命何得相顧以虧忠義昔王陵母對漢使伏劍以固其志子其勉之苞即進戰母遂

被害

苞字威豪

唐

李謹行妻劉氏

謹行靺鞨人娶劉氏有勇畧高宗時謹行擊高麗於發盧河西破之劉氏留伐奴城賊攻之環甲勒兵守賊引去以功封燕國夫人

遼

邢簡妻陳氏

營州人甫笄涉通經義凡覽詞賦輒能誦尤好吟詠時以女秀才名之年二十歸簡孝事舅姑閨門和睦生六子親教以經二子抱樸抱質皆以賢能致位宰

相及陳氏卒贈魯國夫人刻石以表其行論者謂貞
靜柔順婦道母儀始終無歉云按遼史邢抱樸傳以
樸爲應州人而列女
傳載其母則以爲營
州人二者必有一誤
室女耶律氏

太師適魯之妹小字常哥操行修潔自誓不嫁能詩
文不苟作讀通曆見前人得失歷能品藻咸雍間作
文述時政上善之耶律乙辛求其詩常哥遺以回文
乙辛知其諷已銜之大康三年乙辛誣廢太子時常
哥兄適魯謫鎮州常哥與俱常布衣蔬食人問曰何
自苦若此對曰皇儲無罪遭廢我輩豈可美食安寢

年七十卒於家

耶律奴妻蕭氏

小字意辛國舅駙馬都尉陶蘇幹之女歸奴以孝謹
聞初奴與樞密使乙辛有隙被誣奪爵流烏古部帝
以意辛公主女欲使絕婚意辛曰陛下天地之恩然
夫婦之義生死以之臨難頓乖綱常禽獸何異幸陛
下哀憐與奴俱行妾死無恨帝從之壽隆初帝嘉其
節召舉家還保大中意辛在臨漢謂諸子曰吾度盧
彥倫必叛汝輩速避我當死之賊至遇害
耶律木者妻蕭氏

小字訛里國舅孛堇之女年十八歸朮者未幾朮者卒既葬謂所親曰夫婦之道如陰陽表裏無陽則陰不能立無表則裏無所附妾夫早歲登朝有才不壽天禍妾身復何倚恃死者可見則相從地下不可見當與俱逝遂自刃而卒

耶律中妻蕭氏

小字按蘭韓國王惠之四世孫及笄歸中天慶中爲賊所執蕭置刃於履誓不受汙至夜賊遁得免久之帝召中爲五院都監中謂妻曰吾本無宦情今不能免當以死報國汝能從我乎按蘭對曰謹奉教及金

兵狗嶺西中守節死按蘭躍馬突至中所自殺

韓慶民妻

慶民宜州節度使宜州陷慶民死之金以其妻配將士不從亦自殺金世宗讀太宗實錄見慶民夫婦事曰如此節操可謂難矣

金

阿鄰妻沙里質

金源郡王銀朮可之妹天輔六年黃龍府叛卒攻鈔旁近部族時阿鄰從軍沙里質集附近男女五百人築柵爲守計賊至攻柵沙里質裹氈爲甲裂裳爲旗

男授甲女鼓譟自仗劍督戰三日賊去皇統二年論
功封金源郡夫人

李寶信妻王氏

寶信爲義豐縣令時張覺以平州叛王氏陷賊中賊
欲逼室之憤罵不從賊支解之大定十二年贈貞烈
縣君

李英妻張氏

英初爲監察御史在中都張氏居濰州貞祐元年元
兵取濰州入其家張氏盡以所有財物與之旣而令張
氏上馬張曰我盡以財物與汝猶不見贖耶答曰汝

品官妻當復爲夫人張曰我死則爲李氏鬼頓坐不
起遂見紗謚莊潔

王維翰妻姚氏

維翰大定府人貞祐初維翰節度定海爲元兵所執
不降死之妻姚氏亦不屈死謚貞潔

夾谷胡山妻阿魯真

宗室承克之女胡山爲胡里改猛安亡時有衆千餘
興定元年承克爲上京元帥上京行省太平執承克
應蒲鮮萬奴阿魯真治廢壘修器械以自守萬奴使
人招之不從乃射承克書入城阿魯真碎之曰此詐

也萬奴兵急攻之阿魯真衣男子服與其子蒲帶督衆力戰殺數百人生擒十餘人萬奴乃解去後復擊萬奴兵獲其一將詔封郡公夫人

撒合輦妻獨吉氏

平章政事千家奴之女自幼動有禮法及適撒合輦閨門肅若撒合輦爲中京留守元兵圍之疽發背不能軍獨吉氏謂之曰公以宗室故受國厚恩大兵臨城縱不能戰當率精銳走衛京師又不能則戰而死猶可報國幸無以我爲慮撒合輦出巡城獨吉氏乃取資貨散之家人遂自經

完顏長樂妻蒲察氏

字明秀鄜州帥訥申之女長樂從哀宗遷歸德將行明秀曰君弟致身事主無以妾爲念妾必不辱崔立之變蒲察以長樂出妻柴氏所生幼子付婢僕與訣曰崔立不道強人妻女兵在城下吾何所逃惟一死不負吾夫耳汝等善養幼子遂自縊

陀滿胡土門烏古論氏 附義婢

胡土門死王事崔立之變婦女多見汚氏謂家人曰吾夫不辱朝廷我敢辱我夫乎卽自縊一婢從死於側

參政完顏素蘭妻

亡其姓氏崔立之變謂所親曰吾夫有天下重名吾肯陷身以辱夫乎卽自縊

完顏忙哥妻溫特罕氏

附義婢

崔立之變忙哥義不受辱與妻訣妻曰君能爲國死我不能爲君死乎一婢曰主死婢將安歸是日夫婦以一繩同縊婢從之

完顏豬兒妻尹氏

豬兒系出蕭王大興二年豬兒從哀宗爲南面元帥戰死黃陵岡尹取家貲焚之遂自縊

完顏仲德妻

失其族氏崔立之變毀容服攜妾及二子自汴走蔡蔡被圍丁男皆乘城拒守妻謂仲德曰事勢若此丈夫能爲國出力婦人獨不能耶率諸命婦自爲一軍親運矢石於城下城中婦女爭出繼之城破仲德妻自盡

寶符李氏

哀宗奉御也元兵入汴宣宗哀宗兩后及諸妃嬪北遷皆不知所終李氏從至宣德州摩訶院日夕寢處佛殿中作旛旆會當赴龍庭將發自書門紙曰寶符

御侍此處身故即於佛像前自縊

元

耶律留哥妻姚里氏

先是人推留哥為遼王留哥卒姚里氏攜次子善哥鐵哥永安及從子塔塔兒孫收國奴見帝於河西帝慰勞甚至姚里氏奏留哥既死官民乏主其長子薛閣扈從有年願以次子善哥代之使歸襲爵帝欲令善哥襲爵姚里氏拜且泣曰薛閣者前妻所出嫡子宜立善哥者婢子所出若立之是私已而蔑天倫也竊以為不可帝賢之允其請並給驛騎遣其季子永

安送姚里氏東歸恩賚有加

蕭某妻趙氏

大寧人年二十夫蕭病劇謂趙曰我死汝少柰何趙曰脫有不諱妾不獨生遂命匠製巨棺夫歿即自縊家人同棺葬焉

趙雁妻安氏

陳恭妻張氏

武壽妻劉氏

宋敬先妻謝氏

以上俱大寧人並以死殉夫事聞被旌前志附載蕭

某妻內今各表出之

李君進妻王氏

遼陽人君進卒將發引親隣咸會王氏謂眾曰夫婦同穴義也因撫棺慟哭嘔血升餘死與夫連柩而葬送者哀之

趙洙妻許氏

集賢大學士許有壬之姪女也至正十九年賊陷遼陽洙以儒學提舉罵賊死許氏不知也賊甘言誘許氏願指示金銀之處許氏曰吾知守節而已他皆不知賊以刃脅之許氏色不變已而知其夫死因痛哭

罵不絕口且曰吾母居武昌死於賊吾女兄弟亦死於賊今吾夫又死使我得報汝當醢汝矣遂遇害

李馬兒妻袁氏

瑞州人至正二十二年李病沒袁氏年十九誓不再嫁孝養舅姑有王成者挾勢欲娶之袁氏曰吾聞烈女不更二夫遂往夫墓痛哭縊死樹下

明

高門五節婦

劉氏李氏郭氏金氏邢氏

劉氏光州固始人夫高希鳳江寧人戍遼東為亂軍所掠拒而不服軍怒斷其腕劉為所奪罵不絕口遂

被殺希鳳弟藥師奴妻李氏早寡因亂攜子姪避難始終保全後歸江寧守夫墓誓不再適希鳳季弟伯顏卜花爲讐家所殺妻郭氏卽自縊於馬櫪希鳳從子墦失丁爲父讐訟陷而死妻金氏姑邢氏俱自縊一門五節事聞旌表

劉智才妻閔氏

六安州人夫智才任大寧翼萬戶卒閔氏無子撫妾子如已出緣夫屬軍籍戍金州傭紉供衣食尤能以禮自防事聞旌之

文宗信妾白氏

宗信病篤語之曰汝年方二十我死將柰何白氏應曰萬一不諱妾不獨生宗信死白氏沐浴別主母自縊以殉

裴貴妻劉氏

名志貞建州人鎮撫劉忽魯禿女也幼聰慧授孝經列女傳等書咸成誦年十六適貴事舅姑以孝聞貴有疾劉潛剖股以進弗效貴謂劉曰吾危矣汝幼善事後人劉泣曰君死安敢獨生遂自縊越二日貴始卒所司上其事詔旌之

趙忠妻女

失其姓字忠任廣寧右衛指揮僉事守鎮靜堡正統間敵圍堡忠乘城拒戰有訛言城陷者忠妻女皆自縊事聞賜金爲忠妻女營葬旌其門

按趙忠妻女原附趙忠傳內今

表出之

耿秩妻張氏

秩戰死平頂山張氏年十九痛欲自盡姑與母勸之曰汝不貳志節也何忍捨父母與姑乎張氏遵命守節至四十年詔旌之

籍氏

金州軍餘之妻夫死守志四十餘年

金州總旗張俊妻徐氏

夫死守節三十餘年

錢海妻許氏

夫故守節清白事聞旌表

蕭士清妾丁氏

金州人奉姑至孝士清歿丁氏悲痛自縊正統間旌其門

金州指揮張頌妻朱氏

夫死無子朱氏孀居侍姑孝養備至事聞旌表年八十六而終

賀昇妻楊氏

名妙真浙江鄞縣人隨父戍廣寧適總旗賀昇隨征歿於山海關子祥甫三歲楊氏奔赴扶柩歸葬孀居四十九年事聞旌表

高原昌妻張氏

遼陽人原昌素疾娶未逾月病篤遂卒氏哭累日自縊事聞旌表

邵倫妻張氏

遼陽人倫故張氏自縊與夫同葬

劉晏妻朱氏

義州人夫死寡居遇亂軍將驅之行朱氏誓死仆地強擁上馬自墮者三卒以刃斷肱而死

陸淳妻鄧氏

開原人淳死鄧氏年十九殮畢自縊

董欽妻劉氏

遼陽人夫故劉氏撫屍痛哭自縊死

生員侯爵妻汪氏

廣寧人夫死家甚貧汪氏賣奩以供殯葬翁姑相繼卒復經營喪葬如禮正德間旌其門

王清妻曹氏

廣寧人清病卒遺腹生男父母欲奪其志曹氏以死
自誓卒撫孤成立家業復興

鄭貞女

廣寧人指揮鄭雄之女年及笄納孫棣聘棣故女聞
訃縞素哭奠誓不更適父母以棣未奠雁將受他聘
女輒不食父母知不可奪遂成其志事聞旌表

顧澄妻楊氏

鐵嶺人澄故遺腹三月產一男楊氏誓不貳適甘貧
撫孤卒年七十九

海城人生子芳甫三歲通卒程氏甘貧守節育芳成
立襲通千戶之職後戍邊戰死芳妻陳氏年尚幼守
志事姑通弟正與文皆早亡正妻宋氏文妻陳氏俱
守志不移一門四節實自程氏倡之

高琰妻潘氏

蓋州人琰故無子潘年十九以紡織自養守節三十
五年嘉靖間旌表

趙灃妻子氏

灃故于氏自縊櫬旁

高鳳妻蘇氏 高龍妻羅氏

鳳戍開原病故蘇氏扶輿歸葬撫教二子守節五十
四載卒年八十有三鳳弟龍娶羅氏龍故遺腹四月
生一男羅氏守志撫孤人稱一門雙節

韓連妻呂氏

遼陽人夫有疾呂氏知不起遂先夫自縊兩柩同葬
黃福妻臧氏

廣寧人夫卒臧氏守節事姑以孝聞居數載邑人私
納聘於其兄臧氏向姑泣曰妾以姑缺養故未忍與
夫同死今不得侍姑矣遂自縊

馬汝隣妻甯氏

遼陽人夫故甯氏痛哭自縊

臧鉞妻孫氏

廣寧人夫死孫氏教子臧仲學舉於鄉守節二十五
年官表其閭

指揮朱國貞妻劉氏

中前所人貞以父沒過哀身死時劉氏尚少守志撫
孤卒至成立年逾八旬神明不衰

周遇吉妻劉氏

錦州衛人遇吉任山西總兵時流寇犯寧武關遇吉
力戰死劉氏素勇健聞難率婦女數十人據山巔公

解登屋而射賊不敢逼縱火焚之闔家遇害

本朝

國家崇獎節孝凡年三十以內守節至五十歲者例應旌表其守十五年以上未至五十而身故者亦准酌量旌獎又爲建祠設坊使其名垂不朽蓋守節雖無竒行而一與之齊終身不改則

聖世之所重也志中所載詳畧不等俱照各處來冊冊中雖有失其事實者志亦必載其名名存而人已不可沒矣

奉天所屬八旗節婦

阿克順妻趙氏 孀居三十餘年志節堅白族里賢之

王命召妻滕氏

適召未期召從征粵東後自京移家往滕抵粵甫五日召病卒乃號泣自縊

索飛妻索伽氏 名楠珠守節三十餘年

阿里尼妻托科落氏

名阿牙兒漢夫亡守節三十餘年

阿布尼妻拏拉氏 名妞妞苦節二十餘年

阿克恕妻覺羅氏 名胡什巴青年夫歿守志不移

雅爾孫妻黑舍力氏

夫以疫終氏事孀姑撫幼子守節三十餘年

義思哈妻覺羅氏 夫早夭覺羅氏矢志靡他

青勾妻關爾加氏 正紅旗人年十九而寡以苦節

終

李度妻趙氏

鑲黃旗人年十九夫亡無子苦節六十一載年八十

歲

王國勳妻汪氏 王國輔妻孫氏

漢軍正白旗人守貞教子至孫琮中已卯舉人亦汪

氏教育之功居多壽享八十五歲又王國輔妻孫氏

夫歿僅一子朝夕督課教育有成遂襲佐領孫氏撫

愛姪輩衣食必先已子尤人所難守節三十餘年人

號一門雙節云

金柏連妻李氏 禮部人守節四十餘年

莫活洛妻 氏 興京鑲黃旗人

巴拜妻 氏 興京正黃旗人 以上二人失其姓

烈女劉四姐

遼陽正黃旗人少失恃父有廢疾女居止常依嫂嫂

與牛七姦恐四姐露其事欲並辱之四姐抵死不受

汚嫂遂與牛七殺四姐事發姦淫俱誅為四姐建貞烈坊於遼陽西門外

釋迦保妻那拉氏 滿洲人

董國祥妻李氏

張明儒妻汪氏 俱漢軍鑲黃旗人

劉得祿妻趙氏

劉廷印妻金氏 俱漢軍正白旗人

以上康熙年間 旌表

常祿妻和什勒氏

覺和拖妻覺羅氏 俱滿洲鑲黃旗人

賽達禮妻烏雅拉氏 滿洲正白旗人

花薩里妻瓜爾佳氏 滿洲鑲藍旗人

何世秀妻徐氏

王世臣妻楊氏 一作金氏

張儻妻李氏

王綱妻李氏 俱漢軍正紅旗人

康鳳玉妻宋氏 漢軍鑲白旗人

康守玉妻朱氏

漢軍鑲白旗人守貞課子三十餘年子列明經孫登

鬻序

武成功妻劉氏 漢軍鑲紅旗人

董宏仁妻張氏

顧天榮妻謝氏

孫成鳳妻唐氏 俱漢軍鑲藍旗人

薩木哈妻色立氏 滿洲鑲黃旗人

西蘭泰妻王氏 正黃旗人

穆澄妻王氏 鑲黃旗人

三泰妻耿氏 正黃旗人

劉琪妻傅氏 正白旗人

哲庫納妻曹氏 正紅旗人

科什妻趙氏

索奈妻何氏 俱鑲白旗人

厄岳訥妻伊氏

松奇妻關氏 俱正藍旗人

衆神保妻關氏

阿爾泰妻徐氏 俱鑲藍旗人

拜他拉布喇哈番薩穆哈妻關氏 鑲黃旗人

海哈妻馬氏 鑲紅旗人 自三泰妻以下十一人

俱

永陵總管所屬

塞必哈妻舒穆魯氏 鑲黃旗人守節至七十餘歲
穆立泰妻趙氏

正黃旗人二十而寡家貧守節三十餘年

花芷妻趙氏 正黃旗人守節三十餘年

剛安泰妻趙氏

正白旗人年十九而寡守節三十餘年

費揚古妻付查氏

鑲紅旗人十八而寡守節五十餘年

莫禮宏妻孫氏

鑲藍旗人夫亡守節三十年 自塞必哈妻以下六

八人俱

福陵總管所屬

薛自昌妻張氏 正黃旗人

常柱妻石氏 正黃旗人夫亡無子孀守三十年

吳士英妻劉氏

郝尙智妻劉氏 正白旗人

王玉龍妻陳氏 年已六旬守節近四十年

七十八妻竈氏 青年守節壽近八旬

晉良玉妻張氏 少寡無嗣守節三十五年

金儒奎妻孫氏 孀居五十年

高登舉妻謝氏 夫病亡甘貧守志四十年

王天順妻汪氏

時永明妻洪氏 夫亡孀處五十餘年

李有福妻董氏 守節三十二年

張成父妻金氏 青年夫歿勵志守孀年近六旬艱

苦備至

金明玉妻劉氏

胡登雲妻李氏 夫亡矢節四十五年

羅聰妻黃氏 夫亡守孀五十五年

胡登元妻祁氏 十九而寡守節五十六年

李天鳳妻李氏 俱鑲黃旗人

夫亡守節歷五十餘年 自薛自昌妻以下十八人

俱

昭陵千丁內人

竈保妻瓜爾佳氏 夫亡守遺孤孀處四十餘年

伍達克妻蒙古索氏

鑲白旗人夫亡二子皆幼堅守節操四十五年

書魯木妻郎氏 正藍旗人夫亡子幼苦節四十一

年

費揚古妻何舒力氏

正藍旗人夫亡上無舅姑下無子女三十四年苦節不渝

窩何諾妻覺羅氏

鑲藍旗人夫亡子弱苦節五十五年

胡力各諾妻書氏

鑲白旗人子未周歲守節艱辛五十五年 自盡保

妻以下六人俱

昭陵總管所屬

蘇爾泰妻覺羅氏

朱光彩妻達氏 正白旗人 一作諸氏

索保妻克木駱氏 開原鑲黃旗人

柱兒妻田氏

伍栴妻陳氏 俱鑲黃旗人

那爾泰妻梧雅氏

瓦色妻查拉氏

牙藍泰妻李氏 俱正黃旗人

關六格妻康氏

白蘇朗妻溫察氏

達薩布妻韓氏 俱正紅旗人

杜爾泰妻姚氏

趙拜妻瓜爾佳氏

僧保妻瓜爾佳氏 俱鑲黃旗人

護軍蘇達立妻趙氏 現年六十有六守節三十八

年

安圖妻高氏 正紅旗人

莽古爾拉妻瓜爾佳氏 鑲白旗人

奈信妻舒舒覺羅氏

薩密哈妻瓜爾佳氏 俱鑲紅旗人

胡爾泰妻史氏

察母布妻拜牙拉氏

保拜妻楊氏

渾奇妻瓜爾佳氏 俱正藍旗人

納楞額妻喀爾喀氏 滿洲鑲藍旗人

薩那妻王氏 鑲藍旗人

朱有成妻沈氏

楊智裕妻王氏 俱漢軍正黃旗人

張文孝妻何氏

張文明妻劉氏 俱漢軍正白旗人

康懷玉妻金氏 漢軍鑲白旗人

趙世登妻皮氏 正紅旗人

穆成格妻鈕呼盧氏 開原鑲白旗人

劉元輔妻吳氏

漢軍鑲白旗人夫亡幼子亦夫吳氏孤貧終無二志

朱門呂氏 鑲藍旗人

陳門龐氏 鑲白旗人

楊門王氏 鑲黃旗人

李門王氏 鑲白旗人

段門王氏

郭門陳氏 俱鑲黃旗人

何門楊氏

陳門李氏 俱正白旗人

趙門皮氏

蘇門劉氏

胡門王氏 俱正紅旗人 以上十一人失其夫名

永厄諾妻 氏

麻力妻 氏

陸什妻 氏 俱興京正白旗人 以上三人失其姓

張墮妻關氏 熊岳鑲黃旗人守節四十餘年

筆帖式宮色妻趙氏 夫亡守貞歷五十四年

圖桑阿妻趙氏 年十六而寡守節四十九年

鄂阿納妻高氏 鑲白旗人

白圖妻吳氏 鑲紅旗人守節三十六年

喀里代妻關氏 鑲藍旗人夫亡苦節三十九年

多利妻甯氏 鑲藍旗人孀居四十餘年

保住妻倉氏 夫亡守志以終

法吉納妻趙氏 貞節格天歲給養贍並

賜旌表

古禮妻李氏 鑲黃旗人古禮陣亡李氏守節終身

伍勒妻高氏 正黃旗人夫亡守節終身不渝

達宗阿妻張氏 正白旗人

巴言圖妻傅氏

溫補妻王氏 俱正紅旗人

韓奇妻郎氏 鑲紅旗人年十八夫沒以節終

麻色妻馬氏

馬揚阿妻楊氏 俱正藍旗人

陶法哈妻孫氏

所色妻吳氏 俱鑲藍旗人

農生妻關氏 鑲紅旗人守節六十年

都伯甚妻傅氏 勵節冰霜已過甲子

王守貴妻李氏

金州正黃旗人夫家近海地多流寓氏偶爲山東宮
奉高所見不及避因爲所逼抵死拒之奉高不得所
欲掐氏喉至死事

聞立烈婦坊

滕文煥妻崔氏

甫納聘文煥卽歿崔誓死不嫁至滕門守節三十餘
載雍正十年入節孝祠

滕文煜妻徐氏

正白旗人夫早亡徐氏堅守孀操已屆三十餘年

徐得妻許氏

漢軍鑲黃旗人守節撫孤三十餘年

劉登科妻賈氏

漢軍鑲黃旗人夫歿誓不再適三十餘年完守節操

傅達妻王氏

郭明玉妻張氏

高文倉妻石氏

李珊妻唐氏 俱正黃旗人

孫珊妻于氏

楊玉林妻林氏

我布恒妻莫氏

金達立妻白氏 俱正白旗人

麻柰妻馬氏

西勒妻羅氏

布達哈妻關氏

黃自禮妻談氏

木哈連妻孟氏 鳳凰城鑲藍旗人

保住妻覺羅氏 正白旗人

關元保妻趙氏 夫陣亡趙氏年十七守節以終

柴有庫妻吳氏 十三山驛人守節四十四年

張仲孝妻傅氏 小黑山驛人守節三十六年

瓦子妻奎牙拉氏

伍兒妻陳氏 鑲黃旗人

那五太妻五扎氏 正黃旗人

沙渾妻那拉氏 正白旗人

白斯戶郎妻溫查氏 正紅旗人

乃新妻獨獨覺羅氏 鑲紅旗人

沙賴妻黃氏

海蘭妻趙氏 俱正黃旗滿洲人

二格妻屠氏

亥色妻蘇氏 俱鑲黃旗蒙古人

馬牙克妻白氏

白落妻吳氏

巴立代妻白氏

雅圖妻巴氏 俱正白旗蒙古人

防禦五格妻莫氏 正藍旗蒙古人

納黑兔妻楊氏

八洞妻孟氏 俱鑲白旗蒙古人

莫泰妻波氏

吳雲妻安氏 俱鑲紅旗蒙古人

拖沙拉哈番五哥妻門處克氏 正藍旗蒙古人

王國相妻姜氏

康國禮妻盧氏

李有貴妻倪氏

陳嘉謨妻祝氏

董魁臣妻張氏 俱漢軍正白旗人

朱自善妻佟氏

張元臣妻王氏 俱漢軍鑲白旗人

王鳳來妻詹氏

王鳳鳴妻王氏 俱漢軍鑲紅旗人

和善妻趙氏

長壽妻吳氏

松厄托妻蘇氏

胡西那妻劉氏

禪奇妻費氏

衣立根妻趙氏

你卜牛妻吳氏

慙阿他妻唐氏 俱正紅旗滿洲人

那拉庫妻白氏 正白旗人

莽色妻忙氏

馮保妻劉氏

敖力耐妻吳氏 俱正藍旗蒙古人

達蘭泰妻張氏 正藍旗滿洲人

八十妻鄧氏 正紅旗蒙古人

邊最妻韓氏

朝岱妻韓氏

恩各參妻韓氏

祁淡妻吳氏 俱鑲藍旗蒙古人

曾保妻閔氏

常祿保妻何氏

趙巴燕妻關氏

覺圖妻王氏

奢立泰妻趙氏

吳靈阿妻關氏

三雅圖妻顏氏

壽妻子氏 俱鑲黃旗滿洲人

筆帖式福克山妻塔塔氏

滿洲鑲黃旗人年十九夫亡氏奉孀姑撫幼子曲盡

孝慈苦節三十餘年

李建龍妻盧氏

鑲紅旗人夫亡子濬方幼門祚衰薄氏矢志栢舟苦

節不渝建龍姪澄妻劉氏源妻李氏俱青年守節實

自盧氏倡之

以上雍正年間

旌表

年分未詳

古母吉妻包家氏

達蠻色妻柱里克氏 俱蒙古正黃旗人

阿金妻吾路忒氏 鑲白旗人

李顯芝妻吳氏 鑲黃旗人

楊朝臣妻任氏 正黃旗人

劉繼美妻姜氏 正白旗人

哈爾吉納妻官爾加氏

莫和勒妻阿素忒氏

扎爾呼妻巴雅拉氏

石頭妻居母特氏

牛色妻們綽克氏

那爾泰妻卓古忒氏

李芬芳妻孫氏 俱鑲紅旗人

希爾德妻吾路忒氏

張國賓妻楊氏 俱鑲藍旗人

張榮妻田氏

董德英妻劉氏 俱正藍旗人

監生吾爾禪妻覺羅氏 遼陽正藍旗人

巴爾呼達妻覺羅氏 遼陽鑲紅旗人

田宗德妻王氏 正紅旗人

以上雍正十三年 旌表

艾教民妻羅氏

鳳凰城正白旗人夫亡羅氏年十九子方過歲家徒

四壁羅氏奉姑撫子守貞五十餘年

夏璽妻扈氏

鳳凰城人夫亡子方數月扈氏青年赤貧苦節四十

餘年

筆帖式諾敏妻鈕祜盧氏

止紅旗人夫亡子女相繼俱天孤苦零仃誓不更適

以上三人現候 題旌

奉天府所屬節婦

孫氏 寧遠州人事實無考

康熙四十二年 旌表

康泰妻楊氏

遼陽州人年十八歸於泰因康三乘夜逼污不從見

段

石函喻妻李氏

遼陽州人甫及笄夫亡無子決意身殉或勸云上有

舅姑忍使其無依乎乃誓志奉親苦節四十餘年

以上康熙五十二年 旌表

盧懋文妻王氏

遼陽州人子甫周歲夫亡家貧王氏紡績撫孤教之

成立歷四十餘年備嘗艱苦冰霜之操始終不貳

王育民妻唐氏

遼陽州人夫亡無子痛哭不食屢欲自盡因親族嚴

守得不死家本孤寒唐氏晝夜紡績艱苦弗渝歷四

十餘年以壽終

譚世榮妻王氏

遼陽州人二子皆幼夫亡守節沒齒不渝

以上雍正元年 旌表

陳槭妻段氏 海城縣人嫠守三十五年

張仕妻章氏

海城縣人夫亡無子繼嗣守孀五十二年

武生江漢英妻張氏

蓋平縣人漢英病故遺子未周奉孀姑撫弱息四十七年孝慈無憾

劉鳳鳴妻杜氏

廣寧縣人年少夫亡撫孤守志子歿又撫其孫終身不貳

包學聖妻王氏

廣寧縣人早孀撫寡媳養孤孫志節不移

包一祿妻趙氏 廣寧縣人居孀無貳志

黃廷樑妻姜氏 廣寧縣人夫歿守貞教子盡登賢

序

趙起雲妻蕭氏

廣寧縣人盛年發處婦道母儀兩無所忝

包毓珍妻秦氏

廣寧縣人奉寡姑育弱息備歷艱辛冰操不渝

李鳳鳴妻王氏 廣寧縣人矢志完操奉姑盡孝

以上雍正二年 旌表

畢國棟妻趙氏

承德縣人夫亡子方周歲舅姑繼喪趙氏孀且貧撫孤成立守節五十餘載現年七十有二

劉連登妻曹氏

承德縣人夫亡時姑衰子稚曹氏苦志三十餘年今現存

趙進啟妻馮氏

承德縣人夫亡遺孤僅八日家貧如洗馮氏忍饑寒事翁盡孝撫子完節現年六十有九

張雪兒妻唐氏

鐵嶺縣人張病故唐氏奉舅姑育幼子曲盡孝慈後值荒歉有謀奪其志者唐氏卽欲自盡奸謀遂息卒完名節

張世玉妻王氏

鐵嶺縣人年十六歸世玉三月而寡誓不更適奉孀姑十餘年生盡養死盡哀允稱節孝

李四晒妻孟氏

鐵嶺縣人幼適李門姑患蠱症氏親湯藥晨昏不息
姑沒夫亦故獨舅在堂又頻值荒歉遂有謀娶之者
孟氏以死自誓終不渝

張國良妻馬氏 鐵嶺縣人夫歿子弱甘貧守志

王登霧妻郭氏

錦縣人青年發守值姑病紡績以備藥資孝節可風

李增榮妻楊氏 錦縣人少隕所天苦節不移

趙鴻仁妻郭氏

錦縣人夫亡孝舅姑教稚子栢操不貳

沙懷正妻王氏

錦縣人守節三十餘年婦道母儀俱堪矜式

張文福妻李氏 錦縣人韶年發處節凜冰霜

韓世英妻王氏 錦縣人年少寡居貞心完節

李彬妻谷氏 錦縣人夫亡守節終身

蔣自貴妻邸氏 錦縣人霜節冰心白頭不改

王守良妻李氏

正紅旗人適寧遠州民王守良夫亡李氏苦節五十

九年

谷薦馨妻田氏

正白旗人適寧遠州民谷薦馨夫歿閉戶貞守歷三

十餘載親黨罕見其面

趙世祿妻董氏

正黃旗人適寧遠州民趙世祿夫亡家赤貧董氏以針工易甘脆供姑守志數十年

溫成祥妻王氏 寧遠州人寡居無子守志三十餘年

王陸妻楊氏

寧遠州人夫亡撫幼子及孫皆成立苦節三十餘年
吳來尹妻趙氏

寧遠州人夫亡奉祖姑及姑一門三孀闔儀整肅尤

可矜尚

王進才妻孫氏

寧遠州人年少發居奉姑育幼三十載孝節無虧
袁擢妻姜氏

錦縣人適寧遠州民袁擢夫亡姜氏矢志栢舟盟心
皦日

以上雍正三年 旌表

傅華妻許氏

開原縣人夫早卒無子倚姪孫傅珏珏得以拔貢任
浙省嵯縣者許氏教養之力也現年八十有三守節

六十四年

李振英妻李氏

廣寧縣人夫卒李氏食貧撫孤貞操不貳

李天植妻周氏 廣寧縣人守志奉親人稱節孝

張星曜妻趙氏

廣寧縣人居孀完節奉姑撫子有孝慈聲

閉士英妻王氏

廣寧縣人夫亡守節安貧五十餘年現年八旬有四

劉起鳳妻齊氏 廣寧縣人孝姑慈幼守志安貧

以上雍正四年 旌表

孫二妻馮氏 鐵嶺縣人夫亡撫孤誓不改醮

鄧天榮妻秋氏 鐵嶺縣人夫亡無嗣守志終身

李廷棟妻劉氏 鐵嶺縣人夫歿撫孤終身苦節

鞏尚友妻張氏

鐵嶺縣人所天早喪孝翁姑撫幼子終不更適

鞏尚已妻李氏 鐵嶺縣人曠日盟心撫孤完節

趙廷弼妻張氏

寧遠州人二十而寡上奉衰翁下撫孤子苦節三十

餘年

劉成業妻馬氏 寧遠州人夫歿家貧克敦節孝

以上雍正五年 旌表

烈女改姐

錦縣武舉才柱才之女年十七父他出豪鄰張八將強污之女見傷不從得脫即自縊

雍正六年 旌表

劉毓琦妻趙氏

錦縣人茹苦食貧奉孀姑猶備甘旨篝燈辯績課幼子遂列明經守節四十九年今諸孫濟濟黌序氏之教育居多

雍正七年 旌表

武生呂翁如妻林氏 遼陽州人夫亡守節不移

劉儒義妻溫氏

遼陽州人年十九而寡孝養孀姑苦節四十餘年

以上雍正八年 旌表

舉人吳濤妻李氏

承德縣人年二十一夫亡家貧無子繼姪為嗣苦節三十餘年

陳士偉妻劉氏

承德縣人年逾二十夫亡堅意身殉父母諭以姑老子幼孝慈為大方勉從命及姑病嘗藥滌垢夜不就

枕者逾月姑卒卜葬天溝山移夫柩附葬氏見夫棺
仰天長號投身壙中日姑歿子長吾今可以同穴矣
二子文言正言倉皇號慟跪勸不已氏乃出自是卧
病不復起尋卒

馬顯圖妻宋氏

開原縣人夫亡無子守節四十餘年壽逾古稀視聽
不衰

以上雍正十三年旌表

壽婦邱氏

錦縣民韓儒貴之妻壽至百歲雍正二年

勅賜增壽坊

所屬節婦

古木訥妻彥古氏

阿那布妻瓜爾加氏

筆帖式相塔妻瓜爾加氏

厄爾秋妻覺羅氏

瓦立布妻布爾哈立氏

那什妻扎庫塔氏

西佛訥妻朱氏

金文亮妻王氏

龐德妻烏素氏

科泊索合妻付查氏 俱鑲黃旗人

武克都訥妻彥扎氏

卓拜妻那拉氏

莽弟妻墨爾哲勒氏

虎什塔妻瓜爾加氏

喀鈕妻倪麻查氏

阿克三妻洪吉立氏

阿蘭妻扎拉氏

鈕漢妻烏素氏 俱正黃旗人

益克訥妻古虎立氏

武尚阿妻托科洛氏

驍騎校柰景阿妻阿木婁氏

驍騎校依布格訥妻巴雅拉氏

協領哈爾薩妻瓜爾加氏

阿起妻覺羅氏

畢爾渾妻鄂素洛氏 俱正白旗人

阿爾虎妻倪馬氣氏

防禦虎鈕妻佛岳莫氏

雅圖妻覺羅氏

什圖妻瓜爾加氏

溫拜妻瓜爾加氏

桂勒和妻特路勒氏

白什妻扎庫塔氏

邁屠妻瓜爾加氏

松阿立妻瓜爾加氏

白爾德妻瓜爾加氏

敦達禮妻付查氏 俱正紅旗人

雅克薩妻墨爾德立氏

薩哈連妻瓜爾加氏

烏庫立妻瓜爾加氏

驍騎校綽洛妻西克特力氏

筆帖式官保妻索綽力氏

那爾糾妻索綽力氏

筆帖式焉保妻烏素氏

雅色那妻瓜爾加氏 俱鑲白旗人

佐領莫爾泰妻那拉氏

巴布代妻瓜爾加氏

驍騎校曠紫妻瓜爾加氏

產泰妻蒙古氏

雅爾那妻瓜爾加氏 俱鑲紅旗人

多合起妻覺羅氏

那宋阿妻蒙古氏

虎什圖妻扎洛特氏

佐領格爾都妻瓜爾加氏

爵和托妻祁墨德氏

都瓦喀妻托科氏

阿爾賽妻查拉力氏 俱正藍旗人

愛東阿妻舒木力氏

阿米那妻付查氏

付他那妻瓜爾加氏

米哈達妻付查氏

西特庫妻烏扎拉氏

喀拜妻覺羅氏 俱鑲藍旗人

高品極妻管氏 漢軍人

寧古塔所屬節婦

尼也訥妻尼哈立氏

達米那妻瓜爾加氏

碩色妻烏扎拉氏 俱鑲黃旗人

托落妻瓜爾加氏

溫都妻付查氏 俱正黃旗人

馬泰妻瓜爾加氏

依拉奇妻烏素氏 俱正白旗人

雅圖妻馬他拉氏

和布訥妻瓜爾加氏 俱正紅旗人

長生妻寧古塔氏

阿敦妻扎庫塔氏 俱鑲白旗人

佛岳洛妻張氏 鑲紅旗人

長格妻庫雅拉氏 正藍旗人

驍騎校愛東阿妻和也氏

訥和妻付查氏

排祿妻和也氏

喀爾布妻和也氏 俱鑲藍旗人

白都訥所屬節婦

托和特妻吳扎拉氏

奚佛訥妻覺羅氏

哲克特妻奇他拉氏 俱正黃旗人

扎克素妻他巴氏

吳思哈妻扎思胡力氏 俱正紅旗人

斗特妻西特黑力氏 鑲白旗人

依思哈妻扎拉力氏 鑲紅旗人

索帕春妻扎拉力氏 正藍旗人

以上 旌表年分未詳

黑龍江所屬節婦

王永隆妻梁氏 鑲黃旗人

翁果托妻瓜爾加氏 正黃旗人

孔果洛妻托科洛氏

寶忒勒妻尼馬义氏 俱正白旗人

趙三妻田氏 正紅旗人

科爾代妻吳查拉氏 鑲紅旗人

奔色妻烏里蘇氏

噶拉馬妻烏里蘇氏 俱正藍旗人 以上齊齊哈

爾人

恩克衣妻瓜爾佳氏 守節三十一年

姜九妻吳扎拉氏 俱正黃旗人

也克勒妻扎庫他氏 正紅旗人 守節三十九年

辛其那妻牛胡里氏

他林兔妻索多里氏 俱鑲紅旗人

因兔妻塔塔拉氏 鑲藍旗人 以上黑龍江人

以上康熙五十年 旌表

伊都林妻傅氏 鑲黃旗人

五十八妻孟氏 漢軍正黃旗人

丁桂妻沙氏 正黃旗人

采子妻陳氏 正黃旗人守節五十餘年

烏三泰妻傅查氏

扎爾度妻尼馬查氏

約爾赫尼妻二格氏 俱正紅旗人

恰他妻那木都拉氏 守節四十年

殷泰妻溫都氏 守節四十年

阿什岱妻鄂藍氏 俱鑲白旗人

喀禮妻瓜爾佳氏

綽科達妻京儿力氏

得勒杵妻郭五爾氏 俱鑲紅旗人 以上齊齊哈

爾人

花唐阿妻摩爾頂氏 苦節三十餘年

衣哈爾兔妻拉爾泰氏 三十餘年守貞不貳

羅拉泰妻布延氏

薄爾綽代妻登得克氏

綽必雅奈妻敖拉氏 守志三十餘載

達爾金車妻弩蘭氏

布累妻噶布喀氏

笛木格內妻阿拉爾氏

色赫訥妻各因氏

佐領希胡訥妻烏得恒格里氏 以上布特哈打牲人

蘇僧格妻摩爾折勒氏 鑲黃旗人

那思虎妻格折勒氏 正黃旗人

古什奈妻多爾達爾氏 正白旗人

阿三妻舒舒覺羅氏

馬克壽妻夏氏

烏墨訥妻折卜氏 俱正紅旗人

哈儿納妻覺羅查氏 鑲白旗人 以上黑龍江人

以上雍正四年 旌表

尼拉兔妻約卜坎朱氏 墨爾根鑲藍旗人

雍正五年 旌表

佐領布虎得妻郭五爾氏 布特哈人

召賚妻牛胡氏 黑龍江正黃旗人

以上雍正六年 旌表

尼俄爾得衣妻西搏氏

班齊爾妻色朴氣氏 俱鑲黃旗人

孫塔妻瓜爾佳氏

巴顏免妻瓜爾佳氏

吳代妻蘇氏 俱正黃旗人

雨爾几內妻烏里素氏 正紅旗人

諾勒位妻烏里素氏

都什巴妻瓜爾佳氏 一作古瓦兒佳氏

兀拉海妻瓜爾佳氏

圖墨爾得衣妻蒙古氏 俱鑲紅旗人

卓得衣妻都爾塔爾氏 正藍旗人

海三妻瓜爾佳氏

謝得衣妻蒙古氏 俱鑲藍旗人 以上齊齊哈爾人

伊哈達妻摩爾折勒氏

古納代妻庫頂氏 俱黑龍江鑲紅旗人

以上雍正七年 旌表

蘇忒克妻莫爾朱魯氏

納爾圖妻布達克氏 俱齊齊哈爾正紅旗人

諾拖五爾妻郭五爾氏 黑龍江鑲紅旗人

以上雍正八年 旌表

佛爾奇妻摩爾折勒氏

尼勒爾忒衣妻郭五爾氏 俱鑲黃旗人

阿顏保妻勿起登紀氏 正白旗人

虎什巴妻寧古塔氏

色胡得妻扎庫他氏 俱正紅旗人

范來妻郭五爾氏 鑲藍旗人 以上黑龍江人

以上雍正九年 旌表

班几爾妻達虎里氏 齊齊哈爾鑲黃旗人

阿什兔妻薩克達氏

本卜申妻多庫氏 俱鑲白旗人

伍什 納妻姚氏

李成龍妻張氏 正白旗人 以上黑龍江人

以上雍正十年 旌表

折爾孔厄妻禿墩珠氏 墨爾根正黃旗人

丁柱妻五蘇氏 鑲黃旗人

索爾和諾妻希赫勒氏 正白旗人

驍騎校得色五爾妻拉里泰氏 正紅旗人 以上

黑龍江人

以上雍正十一年 旌表

卓爾必爾兔妻那笛氏 黑龍江鑲紅旗人

雍正十二年 旌表

委署前鋒鄂爾其馬妻其末進氏

墨爾根正藍旗人鄂爾其馬兄恰拉爾兔乘便逼汚

氏力拒見殺入節孝祠 旌表年分未詳

盛京通志卷之三十七

盛京通志卷之三十八

隱逸

隱居行義古人一視之故可隱亦可出自後以石隱
爲高旣隱不可復出斯人吾與也巖處者必曰南山
之南北山之北豈通論歟遼瀆海澨山高水清前代
避地者恒於斯而里居軼事傳者蓋寡今

聖治休隆求賢若渴乃

詔旨屢頒鮮克克遺逸之選者豈真無其人歟抑有其人
而名不聞歟夫逸其人並逸其名是之謂真隱然
聖作物觀野無遺賢固其所也倘有之將爲之賦招隱之

章

漢

李敏

襄平人河內太守去官還里公孫度欲用之敏惡度所爲恐見害將家屬浮海莫知所終

晉

公孫永

字子陽襄平人幼好學孤棲平郭非身墾殖不食年九十餘操尚如一慕容暉徵之不屈苻堅亦以禮遣使致問未至而卒堅深悼之諡曰崇虛先生

遼

蕭扎刺

字虛輦北府宰相排排之弟不事生產淡泊自適統和末召爲南京馬步軍都指揮使以疾求退不聽遷夷離畢又以疾辭許之遂入頡山杜門不出親友或過之終日言不及世務耶律資忠目之曰頡山老人耶律官奴

字希隱林牙幹魯之孫沉厚多學重熙中加歸義軍節度使輒請致政官奴與歐里部人蕭哇友善哇謂官奴曰仕不能致主澤民成大功業何屑屑爲也吾

與若居林下以枕簟自隨觴詠自樂雖不官無嫌焉
官奴然之時稱二逸

金

高仲振

字正之遼陽人博極羣書尤深於易及皇極經世諸
書隱居高山不涉城市山野小人亦知敬之嘗與其
弟子張潛三汝梅行山谷間人望之翩翩如仙或曰
仲振嘗遇異人教以養生術終日燕坐骨節戛戛有
聲所談皆世外事云

明

賀士謔

欽之子通敏博學陳白沙一見稱之既領鄉薦不干
仕進後都御史張文錦薦其才應詔陳務實學存敬
慎謹細微親賢遠邪等十二事即歸隱不出

本朝

朱國梓

前屯衛人貢士崇禎十三年國梓任兵部主事清介
周慎陞永平道值流寇之變削髮居海上未幾與眾
舉義共請

大清兵破流寇功成不居奉母隱石門寨山中

盛京通志卷之三十八

盛京通志卷之三十九

流寓

士有四方之志何地不宜德業品望卓然可觀餘韻
流風所過必化雖詣有淺深時分久暫至足以興起
斯人其致一也遼郡勢連海表遐心者曾留金玉之
音

國朝地重留都萃止者咸慶樂郊之適有美斯著可愛
必傳

漢

王仲

瑯邪人好道術明天文諸呂作亂齊哀王謀討之嘗決於仲及濟北王興居反又欲劫仲爲將仲乃浮海東奔樂浪山中因家焉七世孫閔八世孫景並見人物志

逢 萌

字子慶北海都昌人學於長安通春秋平帝元始三年見王莽殺何武鮑宣等數百人又自殺其子宇乃謂友人曰三綱絕矣不去禍將及卽解冠掛東都門攜豕浮海客遼東光武卽位始還鄉居勞山屢徵不起

管 寧

字幼安北海朱虛人漢末黃巾賊起與邴原王烈避地遼東公孫度虛館以待旣見與度語惟談經典不及世事退居山谷避難者就之旬月成邑講詩書陳俎豆非學者不見由是度安其賢民化其德寧所居屯落井汲者或男女雜錯或爭井鬪閱寧乃密置器井傍汲以待之鄰有牛暴寧田寧爲牽著涼處自爲飲食過於牛主牛主大慚若犯嚴刑是以左右無關訟之聲禮讓行於海表寧常坐一木榻自越海及歸積五十餘年未嘗箕股其上當膝處皆穿又常戴一

皂帽終不易魏文帝不卽位徵寧是時公孫康死嫡子不立而立弟恭寧曰廢嫡立庶人有異心亂之所由起也乃將家屬浮海其後淵果奪恭位僭號稱王爲司馬懿所滅遼東死者萬計如寧所籌寧之歸也海中遇暴風船皆沒惟寧船自若時夜風晦明船人望見火光輒趨之得島島無居人又無火燼咸以爲神光之祐初寧在遼東度康恭前後所資遺皆受而藏焉及西度盡封還之旣至屢徵不起年八十四卒

王烈

字彥方平原人以陳太邱爲師與荀爽邴原等爲友

舉孝廉三府並辟皆不就董卓亂避地遼海躬秉農器布衣蔬食不改其樂東域之人奉之若君能使遼東強不凌弱衆不暴寡有信讓之風公孫度諮訪政事欲屈以官烈爲商賈以自穢乃止後曹操聞烈名屢徵之遼東不遣年七十八卒

邴原

字根矩北海朱虛人少與管寧俱以操尚稱黃巾起原將家屬浮海遂至遼東同郡劉政有勇畧公孫度欲殺之盡捕其家原以政付太史慈歸里旣而謂度曰將軍前欲殺劉政以其爲已害也今政已去君之

害除矣度曰然原曰君之畏政者以其有智也今政已免智將用矣不若並赦政家無重怨也度乃出之原又資送政家還郡原在遼一年歸原居者數百家遊學之士教授之聲不絕原性剛直常以清議格物公孫度以下心不安之管寧曰潛龍以不見成德言非其時皆招禍之道密遣原西還止於三山孔融遺之以書復反積十餘年乃歸行數日度甫覺嘆曰邴君所謂雲中白鶴非鷓鴣之網所能羅矣

國淵

字子尼樂安人師事鄭康成篤學好古後與邴原管

寧等避難遼東淵講學山中土人多推崇之按邴原

皆仕魏故山東省志繫於三國人物中而流寓遼東時依然漢代也故仍繫於漢

涼茂

字伯方山陽昌邑人少好學論議常據經典以處是

非官樂浪太守時公孫度在遼東留茂不遣之官而

茂終不為屈後徵還為魏郡太守按前志以茂入魏名官但茂初未之

官其在遼東時猶為漢季應移入漢流寓志中

太史慈

字子義黃縣人猿臂善射少好學仕郡為奏曹史為州家所疾恐受其禍避之遼東孔融聞其名因數饋

其母及融爲黃巾管亥圍於都昌慈適從遼東還從
母命至都昌復突圍至平原說劉備求兵破之

晉

趙至

字景真代郡人年十四遊太學遇嵇康寫石經徘徊
不能去爲康所許又與康子蕃友善及向遼西占尸
乃與蕃書敘別並陳志操文辭鮮俊後遼西舉郡計
吏到洛父欲其宦立仍遣歸遼西幽州三辟部從事
斷九獄見稱精密

高瞻

字子前渤海蓆人有俊才光熙中調補尚書郎永嘉
之亂隨崔毖如遼東毖謀伐慕容廆瞻固諫不從及
毖敗廆署瞻爲將軍瞻稱疾不起廆敬其姿器數臨
候之

盧諶

字子諒范陽涿人也建興末隨劉琨投段匹磾匹磾
旣害琨尋亦喪敗復投段末波於遼西元帝初末波
通使江左諶因其使抗表理琨文旨甚切於是卽加
弔祭累徵諶爲散騎中書侍郎而爲末波所留不得
南渡末波死弟遼代立石季龍破遼西復爲所得以

為國子祭酒侍中中書監恒以為辱每謂諸子曰吾身沒後但稱晉司空從事中郎爾撰祭法注莊子及文集皆行於世

南北朝

陸希道

字洪度鉅鹿郡公獻之子也魏孝文時獻坐穆泰事賜死妻子徙遼西希道歷覽經史頗有文致及後召還累遷前將軍郢州刺史善於撫邊甚有威畧

唐

蔣儼

義興人擢明經為右屯衛兵曹參軍太宗將伐高麗募為使者人皆憚行儼獨奮而言曰天子雄武四海畏威慕爾國敢圖王人有如不幸固吾死所也遂請行及至為莫離支所囚以兵脅之不屈納空室中高麗平乃歸帝奇其節授朝散大夫

後唐

胡嶠

同州郃陽令石晉末陷遼為蕭翰掌書記居復州凡所經行記之甚悉

遼

馬允卿

後晉時為青州刺史遼太祖兵至堅守不降城破被執太祖義而釋之併其族屬徙於醫巫閭山允卿以詩禮世其家四世孫人望遂登進士為遼名臣

宋

洪皓

字光弼鄱陽人使金被拘不屈將殺之有為跪請者得流遶冷山山距會寧二百里四月草生八月已雪陳王悟室聚落在焉悟室延皓教子復借之入燕得聞徽欽居五國城密遣人奏書獻桃栗梨麵皓留金十五年所著詩文金人鐫梓傳之紹興中和議成皓與張邵朱弁南還後金使至必問皓為何官居何地其見重如此

張邵

字才彥烏江人登宣和上舍第詔求可使北朝者邵慨然請行先拘燕山僧寺後徙會寧府和議成南歸陞秘閣修撰卒贈少師

宋故也

元

王恽

盛京通志 卷之三十九
字樂人工詩文尤長於康節經世之學流寓遼東至
大改元瀋陽王引見奏堯充說書從王使高麗還陳
便利三十餘事

陳韶孫

廣州番禺人父瀏以罪流肇州韶孫年十歲朝夕號
泣願從父俱行道過遼陽平章塔出見而憫焉欲復
送韶孫還鄉韶孫曰既不能以身代父當死生相隨
歸非所願也塔出驚異厚賚之大德六年瀏死韶孫
哭盡哀見者皆為泣下肇州萬戶府以聞命遣還鄉
里仍旌異之

月乃合

字正卿其先本雍古部徙臨洮金畧地盡室遷遼東
月乃合父昔里吉思累官奉翔判官死國事月乃合

後從世祖南征掌饋餉卒諡忠懿

按元史月乃合傳其先世遷遼東至

其祖徙靖州之天山矣而馬祖常傳又以爲月合乃
前志因之今按本傳名凡六見俱作月乃合故改從
本傳作月乃合又其祖已徙
靖州不當入盛京流寓也

明

李文郁

字克實襄陽人洪武初以明經薦永樂初陞戶部郎
中坐直諫謫戍遼左久處患難自信不惑洪熙元年

復叅議

陳循

字德遵泰和人永樂乙未廷試第一歷仕四朝官大學士景泰時功在社稷爲徐有貞所忌石亨迎駕譖殺王文于謙並戍循鐵嶺衛亨敗釋還以壽終

雷震

四川新寧人永樂戊子舉人襄陽縣教諭上疏諫英宗親征不報及復辟錄陞禮部主事尋以直言謫戍遼東

羅綺

磁州人宣德進士擢御史正統間以忤王振謫遼東景泰改元復官擢刑部侍郎

辛浩

字養正江夏人正統進士歷監察御史彈劾不避權勢謫戍遼陽乃選教將校子弟多所成就天順中復其官

閻寬

字德原樂安人正統進士授監察御史彈劾無少避爲錦衣指揮馬順所忌以事中傷之編戍鐵嶺卒

張鵬

字騰霄涑水人景泰進士授御史立朝蹇諤持大節天順初爲石亨所構謫戍遼東亨敗赦還屢官至兵部尚書

劉玘

字求素安福人正統進士任刑部員外有胡指揮因妻姦謀殺人玘論如法其人素附權幸改讞於錦衣衛坐玘以故入罪謫戍遼陽在遼五年日以文章自抒寫題其集曰養晦卒於戍所

胡世寧

字永清仁和人弘治進士累官江西副使以論宸濠不法謫戍瀋陽寄居廣寧三年學者宗之宸濠反伏誅世寧起官至太子太保兵部尚書卒諡端敏

劉琦

字廷珍洛川人正德進士授兵科給事中時妖人李福達罪當死權貴郭勛庇之琦抗疏陳其顛末上怒謫琦戍瀋陽衛十餘年講學不輟上每日劉琦嘗進讜言蓋已悟其直矣後遇赦還以疾卒

王儼

字民望華容人成化進士歷陞侍郎正德間求直言儼首論鹽法芻粟悉貴戚宦官侵壞劉瑾啣之摘他

事繫獄煨煉無所得瑾又使人諷儼附己不聽矯詔
謫戍遼東僑居遼陽瑾誅宥還嘉靖初賜存問年八
十有八卒

王時中

黃縣人明正德間忤逆瑾謫戍懿路後復官累遷兵
部尚書

黃正色

字士尚無錫人嘉靖進士歷南臺御史時巨璫鮑忠
護太后梓宮葬承天怙寵贖貨正色陳其罪忠等誣
正色於梓宮前騎馬張扇遣戍遼左正色荷戈就道

隆慶初復原官遷南太僕卿祀遼陽三忠祠

徐文華

字用光四川嘉定人登進士仕至監察御史嘉靖間
大獄起編戍遼陽文華有節操工詩文與給事中安
磐侍御程啓充給事中彭汝實相唱和後遇赦還至
靖海卒隆慶初贈僉都御史

夏良勝

江西南城人由進士歷陞太常寺少卿嘉靖時以議
大禮謫戍三萬衛卒於寧遠邸舍

本朝

張春

字泰宇同州人明萬曆辛卯舉人以太僕寺卿任監軍道

大清兵破杏山陣獲之春絕粒不食求死

太宗文皇帝屢賜以珍饌使與白喇嘛同居三官廟春追念

故國常衣舊日巾服數年後卒其子請歸葬

聖祖仁皇帝許之今永平府建有專祠

郝浴

字雪海定州人順治己丑進士任四川巡按守保寧城破賊有安蜀功因叅吳三桂謫鐵嶺讀書講學無

間寒暑註周易解士人宗之稱為復陽先生

聖祖幸奉天浴迎謁道左具述按蜀始末

聖祖為之傾聽慰勞良久十四年

特旨取還錄用浴留其居為銀岡書院後仕至廣西巡撫崇

祀名宦

苗君稷

號焦真昌平人明季諸生也遭時多難早歲流離

國朝崇德年間隸籍黃冠居

盛京之三官廟喜讀儒書究心史學年逾六十手不釋

卷

與陳心簡相伯仲府丞姜希轍

序其詩梓行之翰林高士奇謂其人不役役於富貴
不隕獲於流俗有古隱者之風

盛京通志卷之三十九

盛京通志卷之四十一

方伎

道與器俱理由數顯故學者通乎六藝而萬有歸於
一原然業之所精必以利用爲大名之所著不必博
而後傳也

漢

殷 馗

遼東人精天文桓帝時有黃星見楚宋之分馗言後
五十歲當有真人起於梁沛間其鋒不可當及魏武
破袁紹冀州諸郡多舉城降正五十年

南北朝

晁崇

字子業襄平人善天文術數先爲慕容垂太史郎從慕容寶敗於參合爲道武所獲從平中原拜太史令詔崇造渾儀天興五年月暈左角崇奏占爲角蟲災道武旣克姚平於柴壁遂命諸軍焚車而反牛果大疫是歲麋鹿亦多死

閔宗

遼東人善占候高颺時居東裔生孝文昭皇后后幼曾夢在堂內立而日光自窓中照之灼灼而熱避之不得如是數夕以白其父颺颺以問宗宗曰日者君人之德帝王之象光照女身必有恩命及之避猶照者主上來求女不獲已也此女必將被帝命誕育人君後果入掖庭生世宗追諡文昭皇后

遼

耶律迭里特

字海鄰有膂力善馳射尤神於醫視人疾若隔紗覩物莫不見太祖患心痛迭里特曰膏盲有瘀血如彈丸非藥所及必針而後愈從之嘔出瘀血痛遂止耶律敵魯

字撒不宛精醫察形色卽知病原治療有十全功統和初官至節度使樞密使耶律斜軫妻有沉疴醫不能治魯視之曰心有畜熱非藥石所及聒使狂以泄其毒則可於是大擊鉦鼓於前果狂怒叫罵力極而愈

耶律裏履

字海鄰善寫生嘗寫聖宗御容得其神致清寧間使宋宋帝賜宴瓶花隔面陛辭僅一視及境圖像示餞者羣駭神妙

伍伯不

善卜嘗爲耶律庶成卜曰官止林牙因妻得罪及置於理法當離婚後庶成官至林牙果爲妻胡篤所誣奪官使吐蕃十二年清寧間始歸仍爲林牙胡篤適有娠至期不產而死庶成嘗自謂林牙夢云

耶律乙不哥

字習撚幼好學尤精堪輿卜筮不樂仕進每爲人擇葬地吉凶盡如其言嘗爲失鷹者占曰在汝家東北三十里灤西榆上求之果得

本朝

墨爾根綽爾濟

蒙古人精岐黃之術天命年間率先歸附有正白旗
先鋒鄂碩與蒙古戰中流矢命在須臾濟爲拔鏃傳
以藥遂愈又都統吳拜交戰時身被三十餘矢已昏
絕濟令剖白橐駝腹置拜其中遂甦又黃剋苗君稷
之徒臂屈不信濟先以熱蘗熏蒸次用斧椎其骨手
捏有聲對好卽愈其餘起死回生不可枚舉時比之
神醫華陀云

盛京通志卷之四十一

盛京通志卷之四十一

仙釋

蓋聞道無垠涯隨人所見宗二氏者果其功收一原
心依三乘亦可以醒迷破妄證性超凡也遼境山水
雄奇洵洞天福地所在仙靈奧宅禪衲幽棲自古有
之火盡薪傳宗風未墜能無後世之述乎

仙

前代

丁令威

遼東人學道於太平府靈波山後化鶴來集於遼陽

華表柱歌曰有鳥有鳥丁令威去家千載今來歸城郭如故人民非何不學仙塚纍纍

白仲理

海州人隱徐無山中相傳謂既成神丹作金以濟窮民

張三丰

相傳爲懿州人生有異質龜形鶴骨鬚髯如戟洪武初入武當山修煉寒暑一衲或處窮寂或遊市井浩浩自如不修邊幅時稱爲張邈邈有問之者終日不答或與論三教經書則吐辭滾滾皆本道德忠孝行

則一日千里靜則瞑目旬日所啖升斗輒盡或辟穀數月不食太祖嘗遣三山道士訪之不至其在揚州詠瓊花詩云瓊枝玉樹屬仙家未識人間有此花清致不沾凡雨露高標猶帶古烟霞歷年既久何曾老舉世無雙莫浪誇便欲載回天上去擬從博望借靈槎蓋自况也既羽化於甘州張指揮園中復屢見他處說鈴云今西域入貢者猶見爲某台吉供養云按

丰或曰寶雞人或曰平陽人或曰
倚氏人蓋羽流居無定在故也

黃花老人

天順中居蓋州山寺有道術修煉數年一旦鶴來乘

之去其地因名伴仙山後人有詩云水色山光兩不
孤乾坤寥廓自鍾爐此山莫道無多景只是紅塵半
點無

馬真一

自稱河南人年百餘歲明季居廣寧之北鎮廟採蘑
菇拾野菓爲食時寧前大旱袁經畧使之祈禱甘霖
大沛後因言語狂率疑爲妖異羈居山海關士子相
與談經論藝剖決如流與人言休咎多奇驗後不知
所終

釋

雪菴

居千山香巖寺生有異質歿有舍利其葬處至今呼
爲雪菴塔

明

行榮

遼陽人經史子集無不究覽尤深詩律編註大藏釋
音寶鏡凡十卷辛苦三十年始成

連姓僧

蓋平人成化間約百歲不計饑飽每與小兒戲於市

歲旱祈雨輒應將死告人以時口後有人自南來遇之計其日即死之次日也

馬禪

居遼陽清風寺相貌奇古每夜環走首山喃喃三匝東方始白今寺中塑像在焉

本朝

古林 顛僧附

湖廣長沙人朱氏子住奉天般若遼陽建寧如來諸刹宣暢三乘皈依日衆康熙乙亥歲十月晦忽延諸

相識至囑身後事僧俗請垂示師曰汝等存善心作善事定生西方否則墮三途矣何用我說夜半歸方丈留偈端坐而逝茶毘日現金色毘盧像從辰至午衣文數珠儼然可辨所著語錄入楞嚴大藏初古林說法時有一顛僧常相來往古林甚敬之人問故古林曰此僧行甚深我不如也後此僧至一村堡向人覓車輪一具端坐輪上須臾火發與輪俱化至今相傳爲異

碧菴

名慧俊幼不茹葷出家居保安寺能前知茶毘日火光中現觀音大士像及樓閣獅象種種異景

盛京通志卷之四十一

仙釋

五

